



SOGFBiH

SAVEZ OPĆINA I GRADOVA
FEDERACIJE BOSNE I HERCEGOVINE
Association of municipalities and cities of the FBiH

GODINA: XIV

BROJ: 238

DATUM: 10.3.2017.GODINE



Usluge Saveza

• PRAVNO SAVJETOVALIŠTE:

Selma Fišek, viši saradnik za pravna pitanja
fax: + 387 33 552 810
selma@sogfbih.ba

• FINANSIJSKO SAVJETOVALIŠTE:

Dženita Kovačević, viši saradnik za finansijska pitanja
fax: + 387 33 552 810
dzenita@sogfbih.ba

Sadržaj biltena:

Ova zemlja može bolje: Cazin je primjer razvoja i napretka lokalne zajednice

Poljski distributer dijelova za automobile otvara kompaniju u Živinicama

Grad Bihać dio projekta UNHCR-a za pomoć raseljenim licima i povratnicima

Direktor Elektroprivrede BiH u posjeti Gračanici

Potpisan prvi protokol o saradnji između Odbora za međureligijsku saradnju Žepče i Općine Žepče

Starogradske mjesne zajednice dobile informatičku opremu za kvalitetniji rad sa građanima

Općina Centar izradila „Katalog prilika koje pruža mladima“

Delegacija humanitarne organizacije "Malteser" iz Njemačke posjetila Maglaj

Svečano otvorena obnovljena Srednja škola Čapljina

Uz Dan planete Zemlje zajednička akcija Općine Jajce i opština Jezero i Šipovo

Sarajevo i Hirošima uspostavljaju prijateljski odnos

Bilten Saveza općina i gradova Federacije Bosne i Hercegovine

OVA ZEMLJA MOŽE BOLJE: CAZIN JE PRIMJER RAZVOJA I NAPRETKA LOKALNE ZAJEDNICE



Općina Cazin je najmnogoljudnija općina u Unsko-sanskom kantonu i šesta po broju stanovnika u FBiH, odmah nakon općine Novi Grad Sarajevo, Tuzle, Zenice, Mostara i Ilidže. Općina ima veliki broj registrovanih malih i srednjih preduzeća te najveći broj registrovanih poljoprivrednih gazdinstava u FBiH. Cazin vjerovatno ima i najbrojniju dijasporu u našoj zemlji. Ustvari, mnogo se toga ne zna kada je riječ o ovom gradu. U razgovoru s načelnikom Nerminom Ogriševićem doznajemo nešto više o sredini koja predstavlja srce Bosanske krajine. Najmnogoljudnija općina u Unsko-sanskom kantonu nije Bihać, već Cazin.

Naime, prema posljednjem popisu stanovništva, Grad Bihać ima 56.261 stanovnika, dok Cazin ima skoro deset hiljada više, tačnije 66.149. Prosječna gustina naseljenosti je 197 stanovnika po kilometru kvadratnom, zbog čega je i jedna od najgušće naseljenih općina u BiH. Interesantno je da Cazin ima više stanovnika od, primjerice, sarajevskih općina Stari Grad (36.976), Centar (55.181), Novo Sarajevo (64.814) te skoro identičan broj kao Ilidža (66.730). Uz to, Cazin je jedna od rijetkih općina u BiH koja bilježi porast broja stanovnika u odnosu na popis iz 1991. (63.409), a ima i treće najmlađe stanovništvo od svih općina u BiH (prosječno 34,85 godina), odmah iza Bužima (32,26) i Sapne (33,81). "Bosna i Hercegovina je premala zemlja da bi bilo prihvatljivo čuti od njenih stanovnika da u nekom dijelu svoje zemlje nisu nikada bili, no činjenica je da se s ovakvim komentarima često susrećemo i nije rijetkost da obrazovani i ljudi u zrelih ili poodmaklim godinama kažu da nikada nisu bili u Cazinu ili uopće u Krajini. Kao i svaki drugi dio ove male, ali lijepe zemlje, Krajina ima svoje specifičnosti i znamenitosti. Cazin je lijep grad, poznat po dobrim i gostoljubivim ljudima i sredina koja nikog ne ostavlja ravnodušnim. Svako ko je bio ovdje zna o čemu govorim", kaže u razgovoru za Klix.ba Nermin Ogrišević, načelnik Općine Cazin. rema riječima načelnika Ogriševića, riječ je o sredini u kojoj je aktivnost ljudi imperativ. "Cazinjani su vrlo vrijedni i poduzetni ljudi i to se vidi u svim segmentima života. Zahvaljujući tome, život ovdje jeste u pozitivnom smislu nešto drugačiji nego u ostalim bh. sredinama, iako nismo pošteđeni problema s kojima se suočavaju svi građani ove zemlje. Općina Cazin danas je privredni i trgovački centar Unsko-sanskog kantona i sa gotovo dvije i po hiljade registriranih malih i srednjih preduzeća potvrđujemo da je ovo poduzetnički kraj i da se ljudi smjelo bave brojnim privrednim i poljoprivrednim granama", ističe naš sagovornik. Cazin je i općina s najvećim brojem registrovanih poljoprivrednih gazdinstava u Federaciji BiH, blizu 3.000. Također je općina s najvećim brojem proizvođača mlijeka pa je godišnja proizvodnja mlijeka blizu šest miliona litara, a nekad i znatno više. U proteklom periodu u Cazinu su provedeni brojni projekti, prije svega infrastrukturnog karaktera pa je tako prije nekoliko godina uže gradsko jezgro u potpunosti renovirano i zasjalo u modernom i evropskom ruhu. "Cazin je promijenio svoje vizure, rekao bih već odavno. Taj rad na uređenju svakog dijela općine, od centra grada do svih mjesnih zajednica, traje u kontinuitetu. Trudimo se izgraditi sredinu koja je i lijepa i ugodna za život i to je jedan veliki i složen posao. Drago nam je kada su neki rezultati toga prepoznati i kada ljudi pri dolasku ovdje s puno pozitivnih utisaka izdvajaju Cazin kao posebnu sredinu u BiH", kaže Ogrišević. Uz redovne projekte, on ističe da je fokus predstavnika vlasti u narednom periodu na ekonomskom i privrednom razvoju. "Treba nam nove investicije i još više novih radnih mjesta, jer kao najmnogoljudnija općina imamo i mnogo veće potrebe za takvim razvojem. Pokretanje naših dviju poslovnih zona i nove investicije na kojima pregovaramo sada su naš glavni cilj", dodaje Ogrišević. Cazin ima prostora i za razvoj turizma, budući da se na teritoriji općine nalazi veliki broj kulturno-historijskih spomenika, od kojih je svakako najpoznatiji Stari grad Ostrožac. Svake godine u Cazinu se održava tradicionalna brdska trka automobilima "Krajiška zmija", a od prošle godine u Cazinu se počela organizovati i Extreme enduro trka za motoriste, što privlači veliki broj posjetilaca i turista u ovaj kraj.

Izvor: Klix.ba



POLJSKI DISTRIBUTER DJELOVA ZA AUTOMOBILE OTVARA KOMPANIJE U ŽIVINICAMA

Načelnik Općine Živinice Samir Kamenjaković održao je radni sastanak 10. marta/ ožujka sa predstavnicima firme Inter Cars. Firma Inter Cars d.o.o. je dio internacionalne grupacije Inter Cars sa sjedištem u Poljskoj, a trenutno su u procesu otvaranja nove poslovnice koja će biti u Živinicama na adresi Novi grad. Poslovnica Inter Cars u Živinicama bi trebala biti otvorena za nekih mjesec dana, a na sastanku su predstavnici navedene firme prezentovali poslovne aktivnosti, te istakli kako planiraju dugoročno investiranje u Živinicama što



znači i proširenje proizvodnje. Načelnik Kamenjaković je ovom prilikom istakao kako je jedan od bitnih prioriteta stvaranje mogućnosti za investiranja koja će otvoriti nova radna mjesta, jer jedino zapošljavanje pruža šansu da ljudi sami sebi obezbijede egzistenciju. Također, povodom otvaranja poslovnice firme Inter Cars planirano je organizovanje sajma u šestom mjesecu tekuće godine. Na sastanku su dogovorene sve planirane aktivnosti oko organiziranja kako bi sajam prošao kako je i planirano. Inter cars d.o.o. Bosna i Hercegovina je podružnica jednog od najvećih europskih distributera rezervnih dijelova, guma, akumulatora i ostale opreme za osobna i teretna vozila te motocikle. Matična tvrtka, bazirana u Poljskoj, počela je sa radom 1990. godine, a trenutno je najveći distributer zamjenskih dijelova za osobne i teretne automobile u Središnjoj i Istočnoj Europi. Kroz godine poslovanja, zadatak firme je ne samo zadržavanje pozicije neospornog lidera u ovom segmentu, već i stvaranje najveće distributerske mreže za prodaju zamjenskih dijelova u Europskoj uniji i šire. U svojoj branši poslovanja, Inter Cars je u cijeloj Evropi na 5. mjestu, a u svijetu zauzima 10. mjesto.



Grb Općine Živinice

GRAD BIHAĆ DIO PROJEKTA UNHCR ZA POMOĆ RASELJENIM LICIMA I POVRATNICIMA



Grad Bihać zajedno sa još pet lokalnih zajednica iz BiH odabran je za realizaciju projekta pod nazivom „Pružanje pomoći za održivost raseljenim licima i povratnicima – podrška UNHCR pri upravljanju podacima“. Ukupna vrijednost projekta je 2,5 miliona KM, a na sastanku održanom 7. marta/ ožujka čelni ljudi gradske uprave Bihaća, UNHCR-a i Hilfswerk Austria Internacional istakli su zadovoljstvo što će još jedan projekat koji za cilj ima podršku najugroženijim porodicama povratnika i raseljenih lica

putem mjera ekonomske održivosti biti realiziran na području grada Bihaća. Prema riječima Azem Avdušinić, menadžera projekta ispred implementatora Hilfswerk Austria Internacional, jedan od ciljeva projekta jeste i ekonomsko osnaživanje i stvaranje preduslova da integracija i reintegracija povratnika i raseljenih lica u društvene tokove bude što lakša i kvalitetnija. “ UNHCR kao donator i kroz ovaj projekat želi pomoći ugroženim porodicama povratnika i raseljenih lica kroz mjere održivosti putem dodjele grantova . Planirani grantovi su za samozapošljavanje u okviru poljoprivrede , stočarstva, voćarstva, zanatstva i slično. Očekivani rezultati koje želimo postići jeste ekonomski osnaženo minimalno 282 porodice iz šest lokalnih zajednica koje učestvuju u projektu “, istakao je Olivier Mouquet, rukovodilac operacija pri UNHCR-u Predstavništvo BiH.

*“Planirani grantovi su za samozapošljavanje u okviru poljoprivrede , stočarstva, voćarstva, zanatstva i slično. Očekivani rezultati koje želimo postići jeste ekonomski osnaženo minimalno 282 porodice iz šest lokalnih zajednica koje učestvuju u projektu “,
Olivier Mouquet,
rukovodilac operacija pri UNHCR-u Predstavništvo BiH.*

Zahvalivši se UNHCR-u i Hilfswerk Austria Internacional na odabiru grada Bihaća za realizaciju još jednog projekta koji će pomoći povratnicima i raseljenim licima, Šuhret Fazlić, gradonačelnik Bihaća, kazao je da će gradska uprava biti na raspolaganju kada je u pitanju implementacija ovog projekta, koji, dodaje Fazlić, može biti putokaz kako se mogu realizirati slični projekti sa brojnim međunarodnim organizacijama. "Uvjeran sam da će svi oni koji budu odabrani za ovaj projekat iskoristiti sredstva za samozapošljavanje i to posebno u oblasti poljoprivrede i zanatstva. Sve su to vrijedni ljudi koji će zahvaljujući ovoj pomoći obezbijediti sebi i svojim porodicama egzistenciju", kazao je gradonačelnik Fazlić.

DIREKTOR ELEKTROPRIVREDE BIH U POSJETI GRAČANICI



U multimedijalnoj sali Općine je 9. marta/ ožujka načelnik Nusret Helić organizovao sastanak sa generalnim direktorom Elektroprivrede BiH, Bajazitom Jašarevićem sa saradnicima i direktorom Elektrodistribucije podružnica Tuzla, Udruženjem poslodavaca Gračanica i tridesetak privrednika sa područja Općine. Tema sastanka je bila Problemi snabdjevanja električnom energijom poslovnih zona u Gračanici i način rješavanja istih. „Gračanica je jedna od rijetkih sredina u Bosni i Hercegovini gdje je potrošnja električne energije u industriji iznad potrošnje

u domaćinstvima“ rekao je Sead Jahić, predsjednik Udruženja poslodavaca te dodao da nove kompanije žele graditi pogone (15 hala) ali se susreću sa slijedećim problemima i to: nedostatak električne energije, sporost u dobijanju priključaka za električnu energiju i drugih priključaka i zastoje u dobijanju dozvola za gradnju. Tokom cijelog sastanka privrednici su uzeli aktivno učešće te iznosili svoje probleme i tražili od direktora Elektroprivrede i Elektrodistribucije odgovore i konkretna rješenja. Nakon kraće pauze i dogovora svih prisutnih doneseni su zaključci da se do 10. Aprila završi papirologija i izdaju odgovarajuće dozvole za Radnu zonu 1, kao i da se do 15.jula Elektroprivreda položi kablove u Radnoj zoni 1. „Ohrabruje poruka Elektroprivrede da nema smetnji za nova ulaganja u Gračanici. Pitanja o brzini izdavanja dozvola, ona su zaista ovdje efikasna, ali evo uzet ću obavezu na sebe da ćemo u najkraćem mogućem roku izdavati dozvole, ići u susret rješavanja kod kantonalnih i viših nivoa vlasti, da ovi ljudi koji čekaju da prave objekte, više ne čekaju „ istakao je načelnik Helić. Nakon sastanka u Općini prisutni su posjetili jednu od najuspješnijih firmi „Plamingo“.

POTPISAN PRVI PROTOKOL O SARADNJI IZMEĐU ODBORA ZA MEĐURELIGIJSKU SARADNJU ŽEPČE I OPĆINE ŽEPČE



Grb Općine Žepče

Potpisan je 3. marta/ ožujka prvi u BiH „Protokol o suradnji između općine Žepče i Međureligijskog vijeća u BiH - Odbora za međureligijsku suradnju Žepče“. Protokol je u ime Odbora potpisao vlč. Predrag Stojčević, te Općinski načelnik Mato Zovko ispred općine Žepče. Sastanku, koji je prošao u ugodnoj atmosferi, prisustvovali su članovi odbora Izet ef. Efendić i o.Zoran Živković, tajnici Branko Radoš i Anesa Katić-Đinić te Ilija Barešić - pomoćnik načelnika za opću upravu i društvene djelatnosti, kao i Božana Ivelić Katava ispred MRV-a. Na sastanku je dogovoreno da će Općina Žepče sudjelovati i podržavati aktivnosti Odbora u lokalnoj zajednici. Općinski načelnik je izjavio kako je uvjeren da će ovaj protokol doprinijeti izgradnji istinskog mira, povjerenja, tolerancije i međureligijskog dijaloga u općini Žepče ali i cijeloj BiH.

KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.chc-bih-mne.org
www.srb-bih.org
www.cbic-cro-bih.net
www.programmmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu



STAROGRADSKJE MJESNE ZAJEDNICE DOBILE INFORMATIČKU OPREMU ZA KVALITETNIJI RAD SA GRAĐANIMA



Starogradske mjesne zajednice Logavina, Kovači, Mošćanica, Sedrenik, Vratnik i Širokača dobile su 3. marta/ ožujka informatičku opremu u vrijednosti od 16.000 KM, za kvalitetniju i efikasniju uslugu građanima. Uručenje opreme dio je projekta „Jačanje uloge mjesnih zajednica u BiH“ u koji se Općina Stari Grad, putem Sektora za lokalni razvoj, uključila prošle godine. Projekat zajedno realizuju Vlada Švicarske i Vlada Švedske u ukupnoj vrijednosti od 14,5 miliona KM, a Općina Stari Grad

je jedna od 23 jedinice lokalne samouprave u BiH koje učestvuju u projektu. Kroz projekat „Jačanje uloge mjesnih zajednica u BiH“, u Općini Stari Grad su za godinu dana implementirani brojni projekti: izvršene su edukacije upravljačkih struktura mjesnih zajednica o pisanju projektnih prijedloga, informacionih tehnologija, te socijalne inkluzije, organizovani otvoreni sastanci i dijalozi rukovodstva Općine sa građanima, izgrađena dva dječija igrališta na Mošćanici i na Sedreniku, pokrenute pripreme za opremanje informatičkog kabineta u MZ Kovači, kao i pripreme za opremanje fitness centra za žene i kućne radinosti na Vratniku. Projekat će biti nastavljen i ove godine, a akcenat će se staviti na infrastrukturu. Načelnik Općine Stari Grad Ibrahim Hadžibajrić se zahvalio stranim partnerima koji su pokazali istrajnost u ovom projektu i razumijevanje za potrebe građana. „Prošle godine je, u okviru ovog projekta, počela izgradnja dva dječija igrališta u Starom Gradu, oni su završeni i uskoro ćemo ih otvoriti. Uz današnju dodjelu računarske opreme za naše mjesne zajednice, ukupno smo kroz ovaj projekat dobili oko 170.000 KM. Izrazito me raduje da ćemo u toku ove godine nastaviti sa projektnim aktivnostima i što je UNDP prihvatio naš prijedlog da se sredstva usmjere na infrastrukturu koja je naš najveći problem,“ kazao je načelnik Hadžibajrić. Dodao je da će ove godine kroz projekat „Jačanje uloge mjesnih zajednica u BiH“ u infrastrukturu biti uloženo oko 150.000 KM. Kako je naglasio predsjednik Savjeta mjesne zajednice Širokača i dopredsjedavajući Općinskog vijeća Stari Grad Sanel Dragolovčanin, u finansijskoj realizaciji svih projekata je učestvovala i Općina Stari Grad i to sa 30% ukupnog iznosa. Majda Ganibegović, UNDP voditeljica projekta danas je kazala da je ovo samo jedan korak prema revitalizaciji mjesnih zajednica u BiH, te da se radi o prvoj fazi projekta koja će trajati do 2019. godine. „Od ukupno 23 općine koje su dio projekta, ovakva računarska oprema ide u 125 mjesnih zajednica. Cilj je da se unaprijedi profesionalizacija i funkcionalnost mjesnih zajednica, te da ih učinimo što dostupnijim i korisnijim za same građane. Nadamo se da će sve ove aktivnosti potaknuti građane na aktivniju ulogu u zborovima građana i savjetima mjesnih zajednica, kako bi zajednički donosili odluke za opće dobro svih,“ kazala je Ganibegović. Najavila je da, ukoliko se nastavi kvalitetan obostrani rad, projekat može biti proširen i na drugu fazu koja će trajati dodatne četiri godine. „Veliko je zadovoljstvo sarađivati sa Općinom Stari Grad, jer je za nas jako bitno imati, kako mi kažemo, 'šampione' od samog početka ovakvog projekta. Kada imamo takvog partnera u projektu, i ostali učesnici će nastojati držati dobar nivo i postupat će u skladu sa pravilima i odgovornostima. Mi ćemo se potruditi da podržimo svaku vašu inicijativu i ideju,“ dodala je Ganibegović. Vrijednost informatičke opreme koja je danas uručena je oko 16.000 KM, a raspoređena je na šest mjesnih zajednica i budući društveni centar koji će biti smješten u ulici Logavina. U paketima opreme su: računari sa licenciranim operativnim sistemima, laserski multifunkcionalni uređaji (printer, skener, kopir i fax), tableti, projektori sa nosačima za projektore i torbama, projekcijska platna. Za provedbu projekta „Jačanje uloge mjesnih zajednica u BiH“ zadužen je Razvojni program Ujedinjenih nacija (UNDP) u BiH u partnerstvu sa Ministarstvom za ljudska prava i izbjeglice BiH, Ministarstvom uprave i lokalne samouprave Republike Srpske, Ministarstvom pravde Federacije BiH, Vladom Brčko Distrikta i oba entitetska saveza opština/općina i gradova.

“Prošle godine je, u okviru ovog projekta, počela izgradnja dva dječija igrališta u Starom Gradu, oni su završeni i uskoro ćemo ih otvoriti. Uz današnju dodjelu računarske opreme za naše mjesne zajednice, ukupno smo kroz ovaj projekat dobili oko 170.000 KM. Izrazito me raduje da ćemo u toku ove godine nastaviti sa projektnim aktivnostima”, Ibrahim Hadžibajrić.



Grb Općine Stari Grad

OPĆINA CENTAR IZRADILA KATALOG PRILIKA KOJA PRUŽA MLADIMA


Općina Centar Sarajevo godinama izdvaja značajna sredstva za poboljšanje položaja mladih, te osiguranje minimuma mjera na planu rada sa mladima i omladinskih aktivnosti, a što ujedno predstavlja i zakonom propisanu obavezu lokalnih zajednica, a na osnovu Zakona o mladima FBiH. Naime, budžetska izdvajanja za mlade imaju za cilj kontinuirani rad na poboljšanju njihovog položaja, aktivnijeg i odgovornijeg sudjelovanja u društvenom životu i stvaranje okruženja kako bi mladi imali veće šanse i perspektivu za bolje sutra. S ciljem boljeg informisanja mladih o mogućnostima koje im pruža Općina Centar, te načinima na koje mogu iskoristiti prilike koje im se nude, ova lokalna zajednica izradila je katalog u kojem su mladima dostupne sve potrebne informacije. Katalog prilika koje Općina Centar pruža mladima naziv je dokumenta u kojem su predstavljeni svi alati, mjere i mehanizmi koje već godinama uspješno koristi ova lokalna zajednica kako bi mladima obezbijedila što kvalitetnije uslove za život. Naime, u katalogu su predstavljene glavne odrednice Zakona o mladima FBiH i Strategije prema mladima Općine Centar za period 2014-2020. godine. Također predstavljeni su projekti koji se nude mladima, a neki od njih su: poticaji zapošljavanju mladih kroz finansiranje i sufinansiranje najboljih poslovnih projekata namijenjenih razvoju poduzetništva i samozapošljavanju mladih; besplatni projekti za mlade u Centru za mlade Gorica; finansiranje omladinskih projekata; podrška mobilnosti mladih; stipendiranje učenika i studenata. U katalogu su dostupne i informacije o infrastrukturi namijenjenoj mladima na području općine Centar, sportsko-rekreativnim aktivnostima koje su im na raspolaganju, obrazovnim ustanovama i slično. Besplatan primjerak ovog kataloga možete preuzeti na Info pultu Općine Centar ili na recepciji JU „Centar za kulturu“ i „Centar za mlade Gorica“.



KORISNI LINKOVI ZA PREDPRISTUPNE FONDVE EU:

www.southeast-europe.net
www.adriaticipacbc.org
www.interregadriatico.it
www.europa.ba
www.cbib-eu.org
www.cbc.bih-mne.org
www.srb-bih.org
www.cbc-cro-bih.net
www.programmed.eu
www.tacso.org
www.euroinfocentar.ba
www.balkanfund.org
www.eurelmed.com
www.eacea.ec.europa.eu

DELEGACIJA HUMANITARNE ORGANIZACIJE MALTESER IZ NJEMAČKE POSJETILA MAGLAJ



Delegacija humanitarne organizacije „Malteser“ iz Njemačke koju predvodi Jürgen Briegel posjetila je Općinskog načelnika Mirsada Mahmutagića zajedno sa predsjednikom HO „Merhamet“ MDD Hajrudinom Šahićem, direktoricom Regionalnog odbora „Merhameta“ Maglaj Sanelom Omerović, direktorom Regionalnog odbora „Merhameta“ Travnik Kenan Vrbanjac i predsjednikom Izvršnog odbora „Merhameta“ Semizom Bajramovićem. Općinski načelnik zahvalio se na dolasku i u razgovoru istakao je potencijale općine, te upoznao prisutne sa

kapacitetima turizma koje posjeduje Maglaj. „Želim vam iskrenu dobrodošlicu u Maglaj i da zahvalnost za sve što ste do sada učinili za našu općinu. Nadam se da ćemo nastaviti i pojačati saradnju. Cilj nam je otvoriti Maglaj u punom kapacitetu. Imamo mnogo vrijednih kulturno-historijskih spomenika, prirodnih ljepota u koje vrijedi ulagati“ naglasio je načelnik Mahmutagić. Jedan od predstavnika „Maltesera“ istakao je da žele pomoći i pružiti maksimalnu podršku u projektima bez obzira na bilo koje opredjeljenje, te da im je važno da to sve doprinese razvoju svakodnevnog života.



Grb Općine Maglaj



Pratite našu
web stranicu

SVEČANO OTVORENA OBNOVLJENA SREDNJA ŠKOLA ČAPLJINA



Dr. sc. Nevenko Herceg, predsjednik Vlade Hercegovačko-neretvanske županije i dr. Smiljan Vidić, načelnik općine Čapljina na simboličan su način otkrivanjem ploče Srednje škole u Čapljini službeno označili završetak prve faze 9. marta/ ožujka Projekta energetske učinkovitosti u HNŽ. Energetskom obnovom Srednje škole u Čapljini, objekata Javne ustanove IV. osnovna škola u Mostaru, Osnovne škole fra Didaka Buntića u Čitluku, Osnovne škole Crnici u Stocu, Srednje građevinske škole Jurja Dalmatinca u Mostaru, Javne ustanove Srednja škola Konjic i Doma

zdravlja u Jablanici, ostvarene su značajne uštede električne i toplinske energije, smanjeni troškovi za energiju te povećana ugodnost boravka i rada u njima. Uspješno realiziranje prve faze Projekta energetske učinkovitosti, dodatno je osnažilo nakanu za nastavkom aktivnosti usmjerenih ka poboljšanju infrastrukture javnih objekata. Sudionike promoviranja, uz predsjednika Hercega, pozdravili su i načelnik Vidić, Ivan Topić, predstavnik Federalnog ministarstva prostornog uređenja, Ajla Mostarac, predstavnik UNDP-a, te Željka Previšić, ravnateljica S.Š. Čapljina kojoj je predsjednik Herceg uručio i certifikat o energetske učinkovitosti škole. Promoviranju su nazožni i predstavnici Općina, ustanova koje su sudjelovale u projektu, Federalnog ministarstva prostornog uređenja, Implementacijske jedinice Svjetske banke, te izvođača radova koji su zajedno s ostalim gostima pogledali video-prezentiranje o realiziranju Projekta koje je upriličeno u dvorani Hotela „Mogorjelo“ u Čapljini.



Grb Općine Čapljina

UZ DAN PLANETE ZEMLJE ZAJEDNIČKA AKCIJA OPĆINE JAJCE I OPŠTINA JEZERO I ŠIPOVO



Na inicijativu Općine Jajce 22. april Dan planete Zemlje biće obilježen zajedničkom akcijom čišćenja korita rijeke Plive od njenog izvora do ušća, potvrđeno je ovo 7. marta/ ožujka na održanom sastanku načelnika Općine Jajce i Opština Šipovo i Jezero. U akciju će biti uključene nevladine organizacije, škole, komunalna preduzeća i institucije ove tri općine/opštine što će biti svojevrsni nastavak zajedničkih aktivnosti na, kako očuvanju okoliša, tako i razvoju turizma na ovim područjima. Na ovom sastanku iskazana je volja da se rijeka Pliva proglasi Parkom prirode i stavi pod posebnu zaštitu. Naime, još prošle godine ovu inicijativu pokrenulo je Sportsko

ribolovno udruženje „Zlatovčica“ Jajce. Rijeka Pliva je veliki prirodni potencijal i resurs, stanište ptica močvarica, izrazito salmonidne, plemenite vode sa autohtonim vrstama riba okružena kulturno povijesnim i prirodnim bogatstvom. Sve su to razlozi zbog kojih treba rijeku Plivu i okruženje učiniti ekološkom oazom pod zaštitom, zaključeno je tokom razgovora



Grb Općine Jajce



Musala 5/1

71000 Sarajevo

Telefon: ++387 33 216 502, 209 024, 209 120

Fax: ++387 33 552 810, 216 502

E-mail: dino@sogfbih.ba

Pratite nas na:



Gledajte Savez općina i gradova Federacije Bosne i Hercegovine na

Pratite Savez općina i gradova FBiH na



Poštovani čitaoci,

putem ovog biltena pružamo Vam mogućnost da se informišete o aktivnostima Saveza, o bitnim dešavanjima u općinama i gradovima, aktivnostima naših partnera, institucija vlasti, kao i o razmjeni najboljih iskustava i praksi.

Na ovaj način Vam, također pružamo informacije o održanim konferencijama, seminarima, radionicama, okruglim stolovima, javnim raspravama, o održanim sjednicama organa i tijela Saveza.

Ukoliko želite da se prijavite za primanje ovog biltena možete to učiniti tako što ćete poslati e-mail na: dino@sogfbih.ba

Molimo vas da informacije o našem biltenu proslijedite svim u vašoj i susjednim općinama i drugim zainteresiranim.

Ukoliko želite da objavite neke od vaših novosti, iskoristite bilten Saveza, koji je brz i efikasan način komuniciranja.

Sa zadovoljstvom očekujemo vaše komentare, sugestije i primjedbe.

SARAJEVO I HIROŠIMA USPOSTAVLJAJU PRIJATELJSKI ODNOS



Gradonačelnik Sarajeva Abdulah Skaka susreo se u 10. marta/ ožujka sa ambasadorom Japana u BiH, Kazuya Ogawom, koji mu je čestitao na izboru prvog čovjeka grada. Skaka se ovom prilikom zahvalio Vladi i narodu prijateljskog Japana, koji je kao jedan od najvećih bilateralnih donatora, odigrao značajnu ulogu u poslijeratnoj rekonstrukciji Sarajeva i Bosne i Hercegovine. Gradonačelnik Skaka i ambasador Ogawa izrazili su zadovoljstvo uspostavljanjem prijateljskih odnosa između Sarajeva i Hirošime: "Želja nam je da Deklaraciju o razmjeni iskustava i saradnji između dva

grada, koju smo potpisali, stavimo što prije u funkciju i pokrenemo realizaciju dogovorenih vidova saradnje u oblasti upravljanja i reciklaže otpada, kulture i turizma", istaknuo je gradonačelnik Sarajeva. Skaka je iskazao spremnost da ova gradska administracija, u okvirima svojih mogućnosti, pruži što je potrebno za organizaciju manifestacije „Dani Japana u Sarajevu“, koja bi približila kulturu ove prijateljske zemlje građanima bh. prijestolnice. Ovom prilikom, ambasador Ogawa je pozvao gradonačelnika Sarajeva da učestvuje na 9. Generalnoj konferenciji Gradonačelnika za mir, od 7. do 10. avgusta ove godine u Nagasakiju, s obzirom na članstvo Sarajeva u međunarodnoj asocijaciji „Gradonačelnici za mir“ koja podržava program potpunog ukidanja atomskog naoružanja do 2020. godine.



Grb Grada Sarajeva